



Inatsisartunut ilaasortaq
Finn Karlsen
Siumut

Kalaallit Nunaanni Namminersorlutik Oqartussani sulisut pingaarnertut kalaallisut oqaasillit
Asasara Finn Karlsen.

Kalaallit Nunaanni Namminersorlutik Oqartussani sulisut pingaarnertut kalaallisut oqaasillit piginnaasaasa ineriartortinneqarnerat pillugu apeqquteqarputit aki-niagassannik.

1) Namminersorlutik Oqartussat allaffissuani sulisunit kalaallisut pingaarnertut oqaasilinnit qanoq amerlatigisut sulinermi nalaani ilinniaqqinnissamut pikkorissaqqinnissamullu qinnuteqartarpat, qassillu akuerineqartarpat nunatta avataaneersunut sulisooreersunut sanilliullugit?

Kalaallit Nunaanni Namminersorlutik Oqartussani piginnaasanik ineriartortitsinermi sulisut kalaallisut allamiusulluunniit pingaarnertut oqaaseqarnersut immikkoortitsisoqartannngilaq. Taamaammat apeqqut akineqarsinnaanngilaq paasisutissanik pigisaqartoqanngimmat.

2) Namminersorlutik Oqartussani sulisuusunit kalaallisut pingaarnertut oqaasilinnit qassit sulinermi nalaanni qaffassarfigisinnaasaminnik atorfinitsinneqartarpat?

Atorfinitsitsisarnermi sulisup sumiutuunik oqaaseqarnera nalunaarsorneqartannngilaq. Taamaammat apeqqut akineqarsinnaanngilaq paasisutissanik pigisaqartoqanngimmat. Ataatsimut isigalugu Namminersorlutik Oqartussani allaffissornermik suliallit sulisut tamarmik piginnaanngorsarfissaminnik suliassaqtitaannissaat suliassat sularineqarnerannut tamanna ilanngunneqarsinnaasaraangat anguniartarpaat.

Inussiarnersumik inuulluaqqusillunga

Maliina Abelsen

23. jan 2012
Sagsnr. 2012-
060800
Dok. Nr. 810446

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail:
oed@nanoq.gl
www.nanoq.gl